



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vita Ioannis Berchmanni Flandro-Belgæ Religiosi
Societatis Iesv**

Cepari, Virgilio

Antverpiæ, 1630

Incipit ægrotare, & morbum celat.

[urn:nbn:de:hbz:466:1-46083](#)

PARS TERTIA.
DE
MORBO ET MORTE
IOANNIS.

IOANNES tam egregiè comparatus, plenus Deo, & in eum pàne flagrantissimi amoris facibus liquefactus, suauissimo æstuans desiderio, cupiensque (si Deus annueret) expediri corporis vinculis, & exilio huius mortalitatis absolui, ad fruendum summo, supra quod ascendi non potest, votorum suorum bono; ipsis Nonis Augusti die sacro Virgini, cui à Niuibus repertum est nomen, alui profluvio tentari cœpit, exili tamen adeò, vt neque adhiberet curam, neque permisâ vacationibus ambulatione abstineret; quamquam à comite rogatus digredi ad Mariæ Maioris, recusavit; ob ingentes populi mulierumque conuentus, quarum ille conspectum Religioso maxime defugiendum dicebat.

*P. Ognianii
Loyenzi.* In vineâ conspicatus Patrem quemdam gnarum admodum rerum à Societatis hominibus

minibus gestarum , ei se comitem à prandio adiunxit , multa per horæ spatum ab eo percunctatus de primis Ordinis nostri Patribus , alijsque Annalium rebus ; mox dictis in commune Litanij , reliquum diei piâ cum socijs confabulatione consumpsit . Die insequenti , cùm nihil adhuc morbi sui indicasset , à studiorum Moderatore iussus disputandi causa ad Græcorum Collegium ire , in quo propositæ de Philosophiâ erant questiones , post habitâ valetudinis curâ , obtemperauit . Hic primæ illi (qui postremas semper ambiebat) in disputando datæ sunt , loco Doctoris cuiusdam qui aberat contra condicatum . Tantâ verò concinnitate , tantâ ingenij scientiæque probatione argumentabatur , ut plurimū eius dissertatione delectati , ob coniunctam cum insigni modestiâ gratiam , totam ferè disputanti concesserint horam . Et siue per illam se concitationem accenderit , siue itineris per æstiuum diem longitudine se inflamarit , siue ipsa morbi semina incrementum sumpserint , sequenti nocte febris ad priorem inualetudinem accessit ; nullamque ei quietis partem reliquit . Explorabat se manè num febris remisisset ; at sentiens ingrauescere amplius , viribusque se defici , ratus teneri lege indicij faciendi , cùm horâ 19. proximè Rectoris cubiculum transiret , rogatus ab eo ob

P. Stephano del Bn-falo.

*Febr. cor-
ripitur.*

prauum